

明紅絲
欄鈔本

百

家

詞



友古居士詞目錄

水調歌頭三

滿庭芳五

蘇武慢

飛雪滿群山二

水龍吟

念奴嬌五

雨中花

喜遷鶯

憶瑤姬

醜奴兒慢

滿江紅

婆羅門

青玉案二

浣溪沙十三

虞美人七

生查子五

南歌子三

南鄉子二

菩薩蠻十一

憶秦娥二

清平樂三

謁金門二

憶王孫

阮郎歸

柳稍青三

好事近二

卜筭子六

小重山四

踏莎行六

定風波

點絳脣十一

昭君怨

醉落魄四

極相思二

玉樓春二

長相思三

西地錦

歸田樂

七娘子

感皇恩二

減字木蘭花五

漁家傲

西樓子二

御街行

上陽春

臨江仙七

瑞鷓鴣

惜奴嬌

行香子

一剪梅三

六么令

鎮西

看花回

訴衷情

浪淘沙

如夢令二

愁倚欄三

望江南

春光好

風流子

朝中措二

侍香金童

江誠子

西江月

蒼梧謠

採桑子

洞仙歌

瑞鶴仙

友古居士詞目錄

友古居士詞

莆田蔡伸伸道

水調歌頭

用盧贊元韻別彭城

醉擊玉壺缺恨寫綠琴哀悠悠往事誰問離思湫難
裁綠野堂前桃李燕子樓中歌吹那忍首重回唯有
舊時月遠遠逐人來小庭空清夜永獨徘徊伴人
幽怨一枝瀟洒隴頭梅腸斷雲帆西去目送烟波東
泣千里接長淮爲我將雙淚好過楚王臺

又時居莆田

亭臯木葉下原隰菊花黃憑高滿眼秋意時節近重
陽追想彭門往歲千騎雲屯平野高宴古毬場吊古

論與廢肴劍引杯長 感流年思往事重淒涼當時
生間英俊強半已凋亡慨念平生豪放自笑如今霜
鬢漂泊水雲鄉已矣功名志此意付清觴

又

相逢非草草分袂太忽忽征裘淚痕浥遍眸子怯酸
風天際孤帆難駐柳外香輶望斷雲雨各西東回首
重城遠樓觀暮烟中 黯銷魂思陳事已成空東郊
勝賞歸路騎馬踏殘紅月下一樽芳酒凭欄幾曲清
歌別後少人同爲問桃花臉一笑爲誰容

滿庭芳

烟鎖長堤雲橫孤嶼斷橋流水容容凭欄凝望遠目
送征鴻桃葉溪邊舊事如春夢回首無蹤難忘處紫

薇花下清夜一樽同
東城攜手地尋芳選勝賞遍
珍叢念紫簫聲闕燕子樓空好是盧郎未老佳期在
端有相逢重重恨聊憑紅葉和淚寄西風

又

風捲龍沙雲垂平野晚來密雪交飛坐看欄檻瓊蕊
遍寒枝妝點蘭房景致金鋪掩簾幙低垂紅爐畔淺
斟低唱天色正相宜更闌人半醉香肌玉暖寶髻
雲散又何須高會梁苑瑤池堪笑子猷訪戴清興盡
忍凍空回仍休羨漁人江上披得一簑歸

又

鸚鵡洲邊芙蓉城下迥然水秀山明小舟雙漿特地
訪雲英驚破蘭衾好夢開朱戶一咲相迎良霄永南

窓皓月依舊照娉婷
別來無限恨持盃欲語恍若
魂驚念霎時相見又慘離情還是匆匆去也重攜手
密語丁寧佳期在寶釵鸞鏡端不負平生

又

秦洞花迷巫易夢斷夜來曾到藍橋洞房深處重許
見雲翹蕙帳殘燈耿耿紗窗外疎雨蕭蕭雙心字重
衾小枕玉困不勝嬌尋常愁夜永今宵更漏彈指
明朝叙深情幽怨淚裛香綃記取于飛厚約丹山願
別選安巢驂鸞去青宵路穩明月興吹簫

又

玉鼎飜香紅爐疊勝綺窓疎雨瀟瀟故人相遇情話
款良宵酒暈微紅襯臉橫波浸滿眼春嬌雲屏掩鴛

鴛被暖歌枕聽寒潮 如今成別恨臨風對月慙是
無聊念傷心南陌執手河橋還似一場春夢離魂斷
楚些難招佳期在踏青時候花底聽鳴鑣

蘇武慢

鴈落平沙烟籠寒水古壘鳴笳聲斷青山隱隱敗葉
蕭蕭天際暝鷗零亂樓上黃昏片帆千里歸程年華
將晚望碧雲空暮佳人何處夢魂俱遠 憶舊遊遽
館朱扉小園香徑尚想桃花人面書盈錦軸恨滿金
徽難寫寸心幽怨兩地離愁一樽芳酒淒涼危欄倚
遍儘遲留憑仗西風吹乾淚眼

飛雪滿群山

又名扁舟尋舊約

冰結金壺寒生羅幙夜闌霜月侵門翠筠敲竹疎梅

弄影數聲鴈過南雲酒醒歌燦枕愴猶有殘粧淚痕
繡衾孤擁餘香未減猶是那時燠長記得扁舟尋舊
約聽小窓風雨燈火昏昏錦相纔展瓊籤報曙寶釵
又是輕分黯然携手處倚朱箔愁凝黛顰夢回雲散
山遙水遠空斷魂

又

絕代佳人幽居空谷綺窓森玉倚倚小舟雙漿重尋
舊約洞房宛是當時夜闌紅燭暗黯相對渾如夢裏
旋烘鴛錦塵生綉帳香滅縷金衣須信有盟言同皎
日利牽名役事與君違君已許今生來世兩情到此
奚疑彩鸞須鳳友筭何日丹山共歸未酬深願綿綿
此恨無盡期

笑笑詞目錄

萬年歡

菩薩蠻十五

漁家傲二

傳言玉女

鷓鴣天二十

西江月十七

昭君怨二

玉樓春二

鵲橋仙十一

浣溪沙四

好事近三

滿江紅三

念奴嬌

虞美人四

醉落魄

採桑子二

朝中措

卜筭子二

減字木蘭花四

柳梢青五

生查子二

點絳脣四

江城子

臨江仙二

霜天曉角

踏莎行七

南歌子二

好事近

卜筭子二

更漏子

謁金門

鷓鴣天

秦樓月

卜筮子

臨江仙

笑笑詞目錄終

水龍吟

重過舊隱

画橋流水桃溪路別是壺中佳致南樓夜月東窓疎
雨金蓮共醉人靜回廊竝肩携手玉芝香裏念紫簫
聲斷巫易夢覺人何在花空委寂寞危欄獨倚望
仙鄉水雲無際芸房花院重來空鎖蒼苔滿地物是
人非小池依舊彩鴛雙戲念當時風月如今懷抱有
盈襟淚

驀山溪

登歷易城樓

孤城暮角落日邊聲靜醉袖拂危闌對天末孤雲愁
凝吳津楚望表裡抱江山山隱隱水迢迢滿目江南
景 羈懷易感往事傷重省羅袂浥殊香髻星星忍
窺清鏡瓊英好在應念玉關遙凝淚眼下層樓回首

平林暝

又

疎梅雪裡已報東君信
冷艷與清香似一個人人標
韻晚來特地酌酒慰幽芳
携素手摘纖枝挿向烏雲
鬢老來世事百種皆諳盡
榮利等浮雲謾汲汲徒
勞方寸花前眼底幸有賞心人
歌金縷醉瑤卮此外
君休問

又

書雲今且雪霽嚴凝候
玉輦想回鑾正花覆千官錦
綉周南留滯清夢繞觚稜
心耿耿路迢迢此際空回首
華堂薦壽玉筍持斟酒一曲
轉春鶯更祝我膺時納祐
功名富貴老去已灰心
唯只願捧觴人歲歲

長依舊

又

金風玉露時節清秋候散髮步閑亭對熒熒一天星
斗悲歌慷慨念遠復傷時心耿耿髮星星倚杖空搔
首區區戀豆豈是甘牛後時命未來間具只得低
眉袖手男兒此志肯向死前休無限事幾多愁捻付
杯中酒

念奴嬌

凌空寶觀乍登臨多少傷離情未森森烟波吳會遠
極目江淮無際檻外長江樓中紅袖淡蕩秋光裡一
聲橫吹半灘鷗鷺驚起困念邃館香閨玉肌花貌
有盈盈仙子弄水題紅傳密意寶墨銀鈎曾寄淚粉

香銷碧雲
杳脉脉人千里一彎新月斷腸危欄獨倚

又

歲華晚晚念羈懷多感佳會難卜
炒炒盃盤聊話舊用剪西窓寒燭
翠袖籠香雙蛾歛恨低按新翻曲
無情風雨斷腸更漏催促忽忽歸騎
難留鸞屏鴛被忍良宵孤宿回首
幽歡成夢境唯覺衣襟芬馥海約
山盟雲情雨意何日教心足不如
不見爲君一味愁感

又

畫堂宴闋望重簾不捲輕啞朱戶
悄悄回廊驚漸聞蟋蟀淩波微步
酒力融春香風暗度携手偎金縷
低

低笑問睡得真箇穩否 因念隔濶經年除非魂夢
裡有時相遇天意憐人心在了豈信關山遐阻曉色
朦朧柔情睠戀後約丁寧語休教腸斷楚臺朝暮雲
雨

又

當年豪放况朋儕俱是一時英傑逸氣凌雲佳麗地
獨占春花秋月冶葉倡條尋芳選勝是處曾攀折昔
遊如夢鏡中空嘆華髮 邂逅萍梗相逢十年往事
忍樽前重說茂綠成陰春又晚誰解丁香千結寶瑟
彈愁玉壺敲怨觸目堪愁絕酒闌人靜爲君腸斷時
節

又

輕雷驟雨洗千巖濃翠層巒森列依袂涼生叢竹外
時有飛螢明滅雲浪鱗鱗蘭舟泛泛共載一輪月五
湖當日未應此段奇絕歸路橫玉驚鷺叫雲清似
月悠颺天末玉宇瓊林凝望處依約廣寒宮闕老去
情鍾此心仍在未月甘華髮清歡留作異時嘉話重
說

雨中花

寓目傷懷逢歡感舊年來事事踈慵嘆身心業重賦
得情濃况是離多會少難忘雨迹雲蹤斷無錦字雙
鱗杳杳新鴈雖雖良宵孤枕人遠除非夢裡相逢相
逢處愁紅斂黛還又忽忽回首綠窓朱戶可憐明月
清風斷腸風月關河有盡此恨無窮